

TULAFONO TAU FAAOFI O LE OFISA O TAALOGA A LE PASEFIKA 2018

SAMOA

Faamatalaga e Faamalamalama ai

1.0 Sini ma mafuaaga:

- 1.1 Ua taumafai le Tulafono Tau Faaofi e faavaeina le Ofisa o Taaloga a le Pasefika, lea o le a nafa ma le faafoeina ma le puleaina o Taaloga a le Pasefika 2019, ma ia aiaia ai mo nisi mataupu e ono tulai mai i Taaloga a le Pasefika 2019.
- 1.2. O sini nei o le Tulafono Tau Faaofi:
 - (a) ia faavaeina le Ofisa o Taaloga a le Pasefika ma aiaia ai mo ana galuega tauave ma malosiaga;
 - (b) ia faavaeina le Komiti Faatonu o Pulega ma le Komiti Faafoe o Taaloga a le Pasefika ma a latou galuega tauave ma malosiaga;
 - (c) ia aiaia ai mo lagolago aloaia mo Taaloga a le Pasefika 2019;
 - (d) ia aiaia ai mo tuusaunoaga o lafoga ma tiute e faasino i Taaloga a le Pasefika 2019.

Fuaiupu:

VAEGA 1 FAATOMUAGA

- Fuaiupu 1: - ua aiaia ai mo le igoa puupuu ma le amataga o le Tulafono Tau Faaofi i le taimi lava e pasia ai.

- Fuaiupu 2:** - ua aiaia ai mo le faamatalaina o uiga o fuaitau ua faaaogāina i totonu o le Tulafono Tau Faaofi.

VAEGA 2

OFISA O TAALOGA A LE PASEFIKA

- Fuaiupu 3:** - ua faavaeina ai le Ofisa o Taaloga a le Pasefika.
- Fuaiupu 4:** - ua aiaia ai mo galuega tauave ma malosiaga o le Ofisa.
- Fuaiupu 5:** - ua aiaia ai e faapea O Le Ao o le Malo o le Faa-Tamā lea o le Ofisa ma le Palemia e ave ma Faa-Tautai o Taaloga.
- Fuaiupu 6:** - ua aiaia ai mo le faatulagaina o le Komiti Faatonu o Pulega ma ana galuega tauave ma malosiaga.
- Fuaiupu 7:** - ua aiaia ai mo le tofiaina o le Ofisa Sili o Pulega (“OSP”) o le Ofisa.
- Fuaiupu 8:** - ua tuuina atu ai malosiaga i le Komiti Faatonu o Pulega e tofia ai le aufaigaluega ma tagata faigaluega o le Ofisa e fesoasoani i le faagaoioiga lelei o le Ofisa.
- Fuaiupu 9:** - ua aiaia ai mo le Komiti Faafoe.
- Fuaiupu 10:** - ua aiaia ai e faapea e mafai e le Ofisa ona faafaigaluegaina tagata e ofo e galulue fua mo taaloga mai tagata lautele.
- Fuaiupu 11:** - ua tuuina atu ai malosiaga i le Taitaifono ma le Ofisa Sili o Pulega e faia ai nisi gaoioiga e faamautinoa ai ua faapea ona saogalemu Tagata Ofisa o Taaloga, saogalemu le faatinoga o Taaloga ma aiaia ai mo manaoga o Tagata Ofisa o Taaloga ma tagata taaalo.
- Fuaiupu 12:** - ua tuuina atu ai malosiaga i le Komiti Faatonu o Pulega e tuuina atu ai i le Ofisa Sili o Pulega po o so o se tagata talafeagai nisi o galuega tauave ma malosiaga. Ua faapea foi ona faatagaina le Ofisa Sili o Pulega e tuuina atu i so o se tagata faigaluega o le Ofisa, o ana galuega tauave ma malosiaga.
- Fuaiupu 13:** - ua aiaia ai e faapea o sui auai ma le aufaigaluega a le Ofisa po o Komiti ma tagata e ofo e galulue fua mo taaloga, e lē

noatia mo so o se gaoioiga po o se mea ua lē faia e faatulai mai i le agaga lelei pe a oo ina faatinoina o latou malosiaga, galuega tauave ma tiute i lalo o lenei Tulafono Tau Faaofi.

VAEGA 3

TUPE, LIPOTI MA LE SUEINA O TUSI

- Fuaiupu 14:** - ua aiaia ai e faapea e ao i le Ofisa Sili o Pulega ona faaoo atu se fuafuaga autasi ma se lipoti faaletausaga i le Kapeneta.
- Fuaiupu 15:** - ua aiaia ai mo faaputugatupe a le Ofisa.
- Fuaiupu 16:** - ua aiaia ai mo aseta a le Ofisa.
- Fuaiupu 17:** - o le tiute o le Ofisa le tausia lelei o faamatalaga tau tupe ma faamaumauga o ana feuaiga faapisinisi ma mataupu ina ia tusa ai ma le Tulafono o le Puleaina o Tupe a le Malo 2001 ma taualumaga a le Malo.

VAEGA 4

PUIPUIGA O AIA TATAU A VAEGA O FAASALALAUGA MA FAAILOGA MA FAAILOILO TAU TAALOGA

- Fuaiupu 18:** - ua aiaia ai e faapea o le Ofisa e umia aia tatau uma tau faasalalauga i Taaloga, ma tuuina atu malosiaga i le Komiti Faatonu o Pulega e faatagaina ai se tagata po o ni tagata e faasalalauina po o le pueina faamaumauga o leo o so o se Vaega o Taaloga.
- Fuaiupu 19:** - ua aiaia ai e faapea ua faia e se tagata se soligatulafono pe afai ua ia faasalalauina, faasalalau i le televise, faaooina atu, pueina so o se leo e aunoa ma le faatagaga i lalo o le fuaiupu 18 ma ua solia ai so o se isi lava aia tatau a vaega o faasalalauga.

- Fuaiupu 20:** - ua tuuina atu ai malosiaga i le Komiti o Pulega o Taaloga e faataga ai se tagata e faaaogāina Faailoga ma Faailoilo Tau Taaloga ma Faailoga ma Faailoilo a le Fono a Taaloga a le Pasefika i Saute, ma o sea faatagaga e ao ona faia i se faiga tusitusia.
- Fuaiupu 21:** - ua faatagaina ai se tagata o faamaoti mai i lenei fuaiupu e faaaogāina Faailoga ma Faailoilo Tau Taaloga e aunoa ma le manao ia maua se faatagaga aloaia i lalo o le fuaiupu 20, ae peitai, e lē mafai e sea tagata ona faaaogāina Faailoga ma Faailoilo tau Taaloga mo faamoemoega faapisinisi ma so o se faamoemoega e faalauiloaina ai.
- Fuaiupu 22:** - ua aiaia ai e faapea o se soligatulafono mo se tagata, le faaaogāina o Faailoga ma Faailoilo tau Taaloga e aunoa ma se faatagaga i lalo o le Fuaiupu 20.
- Fuaiupu 23:** - ua aiaia ai e faapea o aia tatau uma i meatotino tau le atamai e tulai mai i tapenaga mo Taaloga ua tatau ona tuuina atu i le Ofisa.

VAEGA 5

AIA TATAU E LAGOLAGOINA AI MA AIA TATAU E FAIA AI IGOA

- Fuaiupu 24:** - ua faatagaina ai le Komiti Faatonu o Pulega e faamaonia se tagata e avea o se tagata e lagolagoina Taaloga ma aiaia ai mo le faagasologa o le talosaga lea e ao ona faatino e se tagata o fia avea ma tagata e lagolagoina taaloga.
- Fuaiupu 25:** - ua faatagaina ai le Komiti Faatonu o Pulega e faamaonia so o se faatulagaga mo le tuuina atu o tulaga aloaia e lagolago ai taaloga, i kamupani ma tagata o lagolago i taaloga.
- Fuaiupu 26:** - ua aiaia ai e faapea e mafai ona faia Tulafono Faatonutonu e filifilia ai nofoaga maoti i totonu o Samoa e avea ma nofoaga faapitoa mo faasalalauga mo i latou o lagolagoina taaloga.

Fuaiupu 27: - ua faatagaina ai le Ofisa e faamaonia aia tatau e faia ai igoa mo nofoaga po o fale ia o le a faafoeina ai taaloga.

Fuaiupu 28: - ua aiaia ai e faapea ua faia se soligatulafono e se tagata o ia lea ua auai i so o se amioga lea e foliga mai ai e faapea ua i ai i lea tagata le faamaoniga po o se fesootaiga ma Taaloga po o le Ofisa po o se lagolago o taaloga, pe afai e le o i ai i lea tagata e tusa ai ma lenei Tulafono. O lenei tulaga ua faaaogā foi i se o umia pe faatau atu oloa ma auaunaga.

VAEGA 6 SOLIGATULAFONO

Fuaiupu 29: - ua aiaia ai e faapea ua faia se soligatulafono e se tagata o ia lea ua faia so o se gaoioiga po o ua lē faia, lea e faalavelaveina ai le faafoega lelei o Taaloga.

VAEGA 7 AIAIGA ESEESE

Fuaiupu 30: - ua aiaia ai e faapea o se soliga e faasaga i lenei Tulafono ua faatatauina o se soligatulafono e ui lava e faapea o le gaoioiga ua faia po o se mea ua lē faia ua mafua ai le solia o le tulafono i fafo atu o Samoa.

Fuaiupu 31: - ua tuuina atu ai malosiaga i se leoleo po o se tagata ofisa o le Ofisa ua faatagaina e le Ofisa Sili o Pulega e faoa faamalosi ai so o se pepa aloaia po o meataitasi lea ua faaaogāina i le solia ai o so o se aiaiga o le Tulafono Tau Faaofi.

Fuaiupu 32: - ua faatagaina ai le Komiti Faatonu o Pulega e faatagaina se tagata o avea ma sui o le Ofisa, e talosaga ai i le Faamasinoga e sailia ai se poloaiga faaetulafono, e taofia ai le solia po o le solia atili o le Tulafono.

- Fuaiupu 33:** - ua aiaia ai e faapea e mafai e le Komiti Faatonu o Pulega ona fuafuaina e faapea o lea faamatalaga ua tuuina atu e, po o i le Ofisa, e ao ona faatatauina e agatapuia ma e lē tatau ona faailoaina atu.
- Fuaiupu 34:** - ua tuuina atu ai malosiaga i le O Le Ao o le Malo e faia ai Tulafono Faatonutonu e faamamaluina ai aiaiga o le Tulafono Tau Faaofi.
- Fuaiupu 35:** - ua aiaia ai e faapea e muta le aoga o le Tulafono i le aso 31 o Tesema 2019.
- Fuaiupu 36:** - ua tuusaunoa ai le Ofisa mai lafoga i lalo o le Tulafono o Lafoga o Tupe Maua 2012.
- Fuaiupu 37:** - ua agavaa ai se tagata lagolago aloaia i se toesea o lafoga i lalo o le Tulafono o Lafoga o Tupe Maua 2012.
- Fuaiupu 38:** - ua tuusaunoa ai nisi tagata mai tiute a le Ofisa o Tiute.
- Fuaiupu 39:** - ua aiaia ai mo aiaiga tau soloaiga ma aiaiga faasaoina ina ia aloaia ai so o se faatagaga, faamaoniga, laisene, konekarate ma isi faapena sa faia a o lumanai ai le amata faamamaluina o le Tulafono Tau Faaofi.
- Fuaiupu 40:** - ua aiaia ai mo teuteuga faatupulaia i le Tulafono o Lafoga o Tupe Maua 2012.

.....

(Hon LOAU Solamalemalo Keneti Sio)

MINISITA O AOGA, TAALOGA MA AGANUU